





2070



唐詩紀事

一一



Inches  
Centimetres

Blue

Cyan

Green

Yellow

Red

Magenta



White

3/Color

Black

TIFFEN Color Control Patches

© The Tiffen Company, 2007



自訂紀事卷第四十七

謝良輔

題詞

其

舟

沈仲

清

沈仲

清

沈仲

清

沈仲

清

唐詩紀事卷第四十七

謝良輔

鮑防

杜弁

丘丹

嚴維

鄭槩

陳元初

呂渭

范燈

樊珣

劉蕃

賈弁

沈仲昌

李祐

李播

蕭靜

崔子向

李逢吉


楊乘

謝良輔自良輔至沈仲昌有相會作憶  
長安十二詠因載他詩於其後

憶長安十二詠云憶長安正月時和風喜氣相隨獻

壽彤庭萬國燒燈青玉五枝終南往往殘雪渭水處

處流澌



又云憶長安臘月時溫泉彩仗新移瑞氣遙迎鳳輦  
日光先暖龍池取酒蝦蟇林下家家守歲傳卮

狀江南十二詠云江南孟冬天荻穗軟如綿綠綃芭

蕉裂黃金橘柚懸

太白與良輔遊涇川陵嵒寺詩云乘君素舸泛涇西

宛似雲門對若溪且從康樂尋山水何必東遊入會

稽良輔登天寶十一年進士第

德宗時刺高州  
為團練所殺

又狀江南十二詠云江南仲春天細雨色如煙絲為

武昌柳布作石門泉

鮑防

憶長安十二詠云憶長安二月時玄鳥初至禊祠百

轉宮鶯繡羽千條御柳黃絲更有曲江勝地此來寒

食佳期

狀江南十二詠云江南孟春天荇葉大如錢白雪裝

梅樹青袍似葑田

防雜感詩云漢家海內承平久萬國戎王皆稽首天

馬常銜首蒂花胡人歲獻蒲萄酒五月荔枝初破顏

朝離象郡夕函關鴈飛不到桂陽嶺馬走皆從林邑

山甘泉御果垂仙閣日暮無人香自落遠物皆重近

皆輕雞雖有德不如鶴

防字子慎襄陽人正元初爲禮侍策賢良方正得穆  
質裴復柳公綽歸登崔邠韋純魏弘簡熊執易世美  
防知人防於詩尤所感發以譏切當世與中書舍人  
謝良弼友善號鮑謝  
送薛補闕入朝云平原門下十餘人獨受恩多未殺  
身每嘆漢家兄弟少更憐楊氏子孫貧柴門豈斷施  
行馬魯酒那堪醉近臣賴有軍中遺今在猶將談笑  
對風塵

杜奔

憶長安十二詠云憶長安三月時上苑遍是花枝青

門幾場送客曲水竟日題詩駁馬金鞭無數良辰美  
景追隨

丘丹

憶長安十二詠云憶長安四月時南郊方乘旌旗嘗  
酌玉卮更獻金龜籠交馳芳草落花無限金張許  
史相隨

狀江南十二詠云江南季冬月紅鱗大如鯿湖水龍  
爲鏡鑑風氣作煙

韋蘇州秋夜寄丹云懷君屬秋夜散步詠涼天山空  
松子落幽人亦未眠

唐詩卷四十七  
一三一  
丹和云露滴梧葉鳴秋風桂花發中有學仙侶吹簫  
弄明月

蘇州又贈丹 云跡與孤雲遠心將野鶴俱那同石  
氏子每到府門庭

丹和云又作煙霞侶暫將簪組親還同褚伯玉入館  
忝州人

蘇州聽江笛送陳侍御云遠聽江上笛江上笛若君  
還愁獨宿客更向郡齋聞

丹和云離樽聞夜笛寥亮入塞城月落車馬散悽惻  
主人情

蘇州送丘真外還山詩云長樓白雲裏暫訪高齋宿  
還辭郡邑誼歸泛松江綠結茅隱蒼嶺伐薪響深谷  
同是山中人不知往來躡靈芝非庭莫遼鶴委池鷺  
終當書里門一表高陽族

丹酬云側聞郡守至偶乘黃犢出不別桃源人一見  
經累日蟬鳴念秋稼蘭酌動離瑟臨水降麾幢野艇  
纔容膝參差碧山路目送江帆疾涉海得驪珠棲梧  
慙鳳質媿非鄭公里歸掾蒙籠室

蘇州重送丘二十一還臨平山居云歲中始再見方  
來又解携纔留野艇語已憶故山棲幽澗人夜汲深

林鳥長啼還持郡齋酒慰子霜露凄

丹和云賣藥有時至自知往來踈速辞池上酌新得

口中書步出芙蓉府歸乘轂鯨車猥蒙招隱作豈愧

班生盧此丹述懷之作

丹隱臨平山與韋蘇州往還韋有詩贈丹云高詞棄

浮靡正行表鄉閭未真南官拜聊偃東山居

申元日鮑端公宅遇吳天師聯句云道流為柱史教

戒下真仙緞共契中元會初修內景篇馳遊方依地

僻卜室喜墻連謝良輔寶笥開金籙華池漱玉泉杜佐

龍隨羽翼青節降雲煙李靜昔去遺丹竈今來變海田

劉養形奔二景練骨度千年謝良輔騎竹投陂裏携壺

拄牖邊躑洞中嘗入靜河上舊談玄陳九初伊俗笙歌

遠蓬壺日月偏樊清驛削削引白大伯陽牽丘丹法受

相君後心存象帝先呂渭道成能縮地功滿欲昇天范

何意迷孤性含情戀數賢吳筠

鮑防代宗時以御史大夫歷福建江西觀察使呂渭

大曆間為浙西支使大曆末貶歙州司馬觀十二月

詩與中元聯句皆在江南時事也詠江南而憶長安

其意可見矣

嚴維

憶長安十二詠云憶長安五月時君王避暑華池進  
膳甘瓜朱李續命芳蘭綵絲競處高明臺謝槐陰柳  
色通達

狀江南十二詠云江南春季天尊葉細如絃池邊草  
作逕湖上葉如船

維字正文越州人與劉長卿善長卿對酒寄維云陋  
巷喜陽和衰顏對酒歌懶從華髮亂閑住白雲多郡  
簡容垂釣家貧學弄梭門前七里瀨早晚子陵過維  
荅云蘇耽佐郡時近出白雲司藥補清羸疾窻吟絕  
妙詞柳塘春水慢花塢夕陽遲欲識懷君音朝朝訪

檝師

時劉爲睦  
州司馬

維作越之諸暨尉劉隨州以詩送云愛爾文章逸還  
家印綬榮退公兼色養臨下帶鄉情喬木映官舍春  
山宜縣城應憐釣臺石閑却爲浮名

維留別云中年從一尉自笑此身非道薄甘微祿時  
艱耻息機晨趨本鄉府晝偃故山扉待見干戈畢何  
妨更採薇

題靈一上人院新泉云山下新泉出泠泠比法源落  
花纔有響灘石未成痕獨映孤松色難分衆鳥喧唯  
當清月夜觀定此禪門

送薛尚書入朝云卑情不敢論拜首入轅門列郡諸  
侯長登朝八坐尊凝旒臨水發行旆向風翻幾許遺  
民法同懷父母恩

哭靈一上人云一公何不住空有遠公名共說岑山  
路今時莫可行舊房松更老新塔草初生經論傳緇  
侶文章遍墨卿禪床枝幹折法宇棟梁傾誰復修僧  
史應知傳已成

長卿送維赴河南充嚴中丞幕府云又別耶溪客來  
乘使者軒用才榮入幕扶病喜同樽山屣留何處江  
帆去獨翻暮情辭鏡水秋夢識雷雨蓮府開花暮桃

源寄子孫何當舉嚴助偏沐漢朝恩

維贈別云早見登郎署同時跡下僚幾年江路永今  
日國門遙文變騷人體官移漢帝朝望山吟度日接  
枕話通霄萬里趨公府孤帆恨信潮康時知己老聖  
代耻逃堯

長卿蛇浦月下重送云秋風颭颭鳴條風月相和寂  
寥黃葉一離一別青山暮暮朝朝寒江漸出高岸老  
樹猶依斷橋明日行人已遠空餘淚逐歸潮

維重別云月色今宵最明庭閑夜久天清愁靜多年  
左宦殷勤遠別深情溪臨脩竹煙色風落高梧雨聲

耿耿相看不寐遙聞擊拆山城

長卿七里瀨重送云秋江渺渺水空波越客孤舟欲

榜歌手折衰楊悲老別故人零落已無多

維重別云新安非故枉帆過海內如君有幾何醉裏

別時秋水色老人南望一狂歌

錢起送維尉河南云蕙葉青青花亂開少時趨府下

蓬萊甘泉未厭楊雄賦吏道何勞賈誼才征陌獨愁

雲蓋遠離筵只惜暝鍾催欲知別後相思處願植瓊

林向栢臺維終校書郎

鄭槩

憶長安十二詠云憶長安六月時風臺水榭逶迤朱

果雕籠香透分明紫禁寒隨塵驚又衢客散楮河滴

灑清驪

司空曙寄槩詩云倦枕欲徐行開簾秋日明手便筇

杖冷頭喜葛巾輕綠草前侵水黃花半上城虛銷此

風景不見十年兄

狀江南十二詠云江南孟秋天稻花白如氈素腕慙

新藕殘粧妬晚蓮

陳元初

憶長安十二詠云憶長安七月時槐花點散果魚七

夕針樓競出中元香供初移繡轂金鞍無限遊人處  
處歸隨

僧靈一有送元初卜居麻源詩云欲向麻源隱能尋  
謝客蹤空山幾千里幽谷第三重崑宇寧須葺荷衣  
不待縫因君見往事爲我謝喬松

陳孫移耶溪舊居呈陳元初校書云雞犬漁舟裏長  
謠任興行即令邀客醉已被遠山迎書笈將非重荷  
衣着甚輕謝安無箇事忽起爲蒼生

呂渭

憶長安十二詠云憶長安八月時闕下天高舊儀衣

冠共頌金鏡犀象對舞丹墀更愛終南灞上可憐秋  
草碧滋

狀江南十二詠云江南仲冬天紫蔗節如鞭海將鹽  
作雪山用火耕田

渭正元十一年知貢舉撓悶不能定去留寄詩前主  
司曰獨坐貢闈裏秋多芳草生仙翁昨日事應見此  
時情

中書省柳久枯死興元二年車駕還柳再榮謂之瑞  
柳明年渭以爲禮部賦題德宗甚惡之

渭字君載河中人德宗時爲禮部侍郎與裴延齡姻

家擢其子上第出為潭州刺史卒

范燈

憶長安十二詠云憶長安九月時登高望見崑池上  
苑初開露菊芳林正獻霜梨更想千門萬戶明砧  
杵參差

狀江南十二詠云江南季夏天身熱汗如泉蚊蚋成  
雷澤袈裟作水田

樊珣

憶長安十二詠云憶長安十月時華清士馬相馳萬  
國來朝漢闕五陵共臘秦祠晝夜歌鍾不歇山河四

塞京師

狀江南十二詠云江南仲夏天時雨不如川蘆橋垂  
金彈甘蔗吐白蓮

劉蕃

憶長安十二詠云憶長安子月時千官賀至丹墀御  
苑雪開瓊樹龍堂水作瑤池獸炭爐正好貂裘狐  
白相宜

狀江南十二詠云江南季秋天栗熟大如拳楓葉紅  
霞翠蘆花白浪川

蕃登天寶六年進士第

賈弇

狀江南十二詠云江南孟夏天慈竹笋如編屨氣爲樓閣蛙聲作管絃

弇登大曆進士第柳子厚先友誌云弇長樂人善士也爲校書郎卒

李益送校書賈弇東歸寄振上人詩云北風吹鴈數聲悲况指前林是別時愁草不堪頽送遠白雲何處更相期山隨匹馬行看暮路入寒城獨去遲爲向東州故人道江淹已擬惠休詩

沈仲昌

狀江南十二詠云江南仲秋天鱖鼻大如船雷是樟亭浪苔爲界石錢

仲昌登天寶九年進士第蕭穎士送劉方平沈仲昌秀才同觀所試雜文云山東茂異有河南劉方平臨汝沈仲昌以郡府計偕之尤當禮闈能賦之試餘勇待賈未始踰辰吾徒相與登群玉咀遺芳目臨雲外思入神境佳哉樂乎意數子之出幽谷而漸于陸矣

李祐

袁江口懷王司勳王吏部云京華不啻三千里客淚如今一萬雙若箇最爲相憶處青楓黃竹入袁江

唐宗室也大曆元和間江南錄事參軍纂之子

李播

見志云去歲買琴不與價今年沽酒未還錢門前債  
主鴈行立屋裏解魚貫眠

播登元和進士第

播以郎中典蘄州有李生携詩謁之播曰此吾未第  
時行卷也李曰頃於京師書肆百錢得此遊江淮間  
二十餘年矣欲幸見惠播遂與之因問何往曰江陵  
謁盧尚書播曰公又錯也盧是其親表李慚悚失次  
進曰誠若郎中之言與荆南表文一時乞取再拜而

出

蕭靜

三湘有懷云林絮飛來別洛陽梅花落後到三湘世  
情已逐浮雲散離恨空隨江水長

崔子向

上鮑大夫云行盡江南塞北時無人不誦鮑家詩東  
堂桂樹何年折直到如今少一枝鮑防正元時人

送惟詳律師自越之義興云陽羨諸峯頂何曾異刻  
山雨晴人到寺木落夜開關縫衲紗燈晃看心錫杖  
閑西方知有社未得與師還

子向正元以前爲監察御史終南海從事裴劍傳奇  
云子向之子煒正元中人居南海

李逢吉

送令狐秀才赴舉云子有雄文藻思繁韶年射策向  
金門前隨鸞鶴登霄漢却望風沙是塞垣獨憶忘機  
陪出處自憐何力繼飛翻那堪兩地生離緒蓬戶長  
倚行旅喧

和嚴揆省中宿齋遇令狐員外當直之作云致齋分  
直宿南宮越石盧謀此夜同位極班行猶念舊名題  
章奏亦從公曾驅瓜士三邊靜新贈髯參公義窮竟

夕文昌如有月可憐如在庾樓中

望京臺上寄令狐華州云祗沒滯南服頽思屬暮年  
開上望京臺萬山蔽其前落日歸飛翼連翩東比天  
涪江適在下爲我又潺湲中葉成文教德威清遠邊  
頌條信徒尔華髮生蒼然寄懷三峯守岐路隔雲煙  
奉酬忠武李相公見寄云直繼先朝衛與英能移孝  
友作忠貞劍門失險曾縛虎淮水安流綠斬鯨黃閣  
碧幢惟是儉三公二伯未爲榮惠運忽贈池塘句又  
遣羸師破膽驚

酬致政楊祭酒見寄云初還相印罷戎旃獲守皇居

在紫煙妄比鄴侯功茂尔每懷疎傳意悠然應將半  
俸霑間里料入中條訪洞天十載別離那可道倍令  
驚喜見來篇

逢吉與令狐楚有唱和詩曰斷金集裴夷直爲之序  
云二相未遇時每有所作必驚流輩不數年遂厭棄  
筆之士及入官登高益復隆高我不求異他人自遠  
逢吉卒楚有題斷金集詩云一覽斷金集載悲埋王  
人牙絃千古絕珠淚萬行新

楊乘

甲子歲書事時上黨用兵討賊云豎子未鼎烹大君

尚盱食風雷隨出師雲霞有戰色犒功椎萬牛募勇  
懸千帛武士日曳柴飛將競執馘喜氣迎捷書懽聲  
送羽檄天兵日雄強桀犬稍離垢賊臂旣已斷賊喉  
旣已搯樂禍但鯨鯢同惡惟肘腋小大勢難倖逆順  
初不敵違命固天亡恃險垂長策蠱毒久萌牙很顧  
非日夕禮貌忽驕狂疏奏遂指斥動衆豈佳兵含忍  
恐無益鴻恩旣已孤小效不足惜腐儒一鉞刀投筆  
時感激帝閣不敢干恹恹坐長畫

南徐春日懷古云六代驕奢地三春物象繁盡湖通  
漲海天塹隔中原曉渡高帆駛陰風巨艦翻旌旗西

唐紀卷之十七  
日落戈甲夏雲屯豹變資陳武龍飛擁晉元風流前  
事盡文物舊儀存邪侮嘗移潤忠貞幾度冤與下山  
兀兀今古水渾渾露暖蜂偷藥鶯啼日到軒酒腸堆  
麴蘖詩思遠乾坤愁夢全無蝶離憂每愧萱形骸勞  
大塊玉石任炎崑出處寧由已升沉未足言且應中  
聖樂坐起任昏昏

建鄴懷古云故城故壘滿江濱盡是干戈舊苦辛見  
此即須知帝力生來便作太平人


吳中書事云十萬人家天塹東管絃臺榭滿春風名  
歸范蠡五湖上國破西施一笑中香逕自生蘭葉小

響廊深映月華空樽前多暇但懷古盡日愁吟誰與  
同勝句云自怜垂拙兩何如晝泥琴聲夜泥書數拍  
胡笳彈未熟故人新命畫胡車

乘甲子年書事乃會昌四年討劉稹也張爲作主客  
圖以白樂天爲廣大教化主而以乘爲入室之上

乘宣宗大中初登第官終殿中侍御史楊維直四子  
發假收嚴發以春爲義其子以祝以乘爲名假以夏  
爲義其子以照爲名收以秋爲義其子以鉅鱗鑑爲  
名嚴以冬爲義其子以注涉澗爲名皆以文學登第  
時號修行楊家與靖恭諸楊比於華盛

唐詩紀事卷第四十七



唐詩紀事卷第四十八

李秘

韋臯

李德裕

鄭還古

裴航

裴休

呂群

徐商

王傳

韋渠牟

陸長源

盧宗回

劉闢

薛宜僚

陸希聲

崔季卿

皇甫湜

李秘

禁中送任山中云子去非長往君恩取大還補天留

綵石縮地入青山獻壽千年外來朝數月閑莫拋殘

藥物切欲駐童顏

唐宗室也元和正元時人

韋臯

臯少遊江夏止於姜使君之館有小青衣曰玉蕭纔十許歲常侍臯臯後告別與約後會因留玉指環一枚并詩寄情云黃雀嚙來已數春別時留解贈佳人長江不見魚書至焉遣相思夢入秦

李德裕

元和十一年歲在丙申李逢吉下三十三人皆取寒素時有語曰元和天子丙申年三十三人皆得仙袍似爛銀文似錦相將白日上青天德裕頗爲寒素開

路及謫官南去或有詩曰八百孤寒齊下淚一時回

首望崖州出據

上已憶江南楔事云黃河西繞郡城流上已應無板楔遊爲憶潒江春水色更隨霄夢向吳州德裕營平泉莊遠方以異物奉之或題曰隴右諸侯供語鳥日南太守送名花

及譴責或作詩云因視具寮忘七著氣吞同列削寒温當時誰是承恩者肯有餘波達鬼村之句又云畫閣不開梁燕去朱門罷掃乳烏歸千崑萬嶽應惆悵流水斜傾出武闈蓋恨之也

公離東都平泉有詩云十年紫殿掌洪鈞出入三朝  
一品身文帝寵深陪雉尾武皇恩重燕龍津黑山未  
破和親虜烏嶺全坑跋扈自是功高臨盡處禍來  
名滅不由人

公漢州日夕遊房公西湖云丞相鳴琴地何年黯玉

徽房公好琴偶因微月夕重敞故樓扉桃李蹊空在

芙蓉客暫依唯憐濟川檝長與夜舟歸重題云晚日

臨寒者微風發擢謳鳳城波自闊魚水運難留亭古

思宏棟川長憶濟舟想公高世志祇似化城游

房公舊竹亭聞琴緬慕風流神期如對有作云流水

音長在青霞意不傳獨悲形解後誰聽廣陵絃

德裕論文曰沈休文以音韻爲切重輕爲難語雖甚

工旨則未遠未可以言文外意也古之辭高者蓋以

言妙而工適情不取於音韻曹植七哀詩有四泥諧

三韻班固多用協韻倚歎元勳佐漢舉信是也矣意盡而止成篇不拘於隻

耦文選有五韻七韻十一韻者故篇無足尤詞寡累句古辭如金

石琴瑟尚於至音今則如絲竹鞞鼓迫於促節即知

聲律之爲其弊也世有非文章者曰詞不出於風雅

思不越於離騷模鴈古人何足貴也余曰譬諸日月

雖終古常見而光景嘗新此所以爲靈物者也嘗爲

文箴曰文之為物自然靈氣惚恍而來不思而至杼  
軸得之澹而無味琢刻藻繪弥不足貴如彼璞玉磨  
礱成器奢者為之錯以金翠美質既彫良寶斯弃此  
文之大旨也

劉三復謂德裕曰漁歌樵唱皆傳述作北夢述夢詩云

賦命誠非薄良時幸已遭君當堯舜日官接鳳凰曹

目睇煙霄闕心驚羽翼高此六句作椅梧連鶴禁埤現

接龍韜內署北連春宮我后憐詞客先朝曾宣諭

吾僚並雋髦著書同陸賈待詔比王褒重價薛稷玄壁

英辭淬寶刀泉流初落澗文賦稱言泉露滴更濡毫

赤豹忻來獻彤弓喜斬蒙時西戎乞盟幽鎮二師東

虛樓散鬱陶學士院有一室西南花光晨豔豔松韻

晚騷騷畫壁看飛鶴山圖見巨鼇內署垣牆皆有畫

臨幸中使懼而圖焉傍簷陰藥樹落格蔓蒲萄此八

是內署物色佳嘗荷靜蓬池贈水寒郢水醪每學士

酒以酒味稍濃常和水而飲禁中有酒方荔枝來日

遠盧橘賜常叨先朝初臨御南方曾敲荔枝麝氣隨

蘭澤霜華入杏膏恩光唯覺重携挈未為勞扇迴交

綵翟鵬起颺銀條轡待奚絲攬書期蜀客操盡規徒

唐詩卷四十八

寒零退舍尚切切此八句述內庭所觀龜顧垂金鈕鸞飛曳錦

袍御溝楊柳弱天廐驢驘豪屢換青春直閑隨上苑

傲煙伍行殿竹風折繞垣桃此八句述朝日遊戲聚散俄成昔

悲愁益自熬每懷仙駕遠更望茂陵號地接三茅嶺

川迎五子濤代稱海壽是五子首憤氣所作花迷瓜步暗石固蒜山

牢蘭野凝青管梅洲動翠篙泉魚驚綵妓溪鳥避千

旌感舊心猶絕思歸首更搔無聊燃密炬誰復勸金

舳余自到此絕無夜宴酒器中大者呼為舳舳實條乃常體形迹未嘗以此而相勸也嵐氣朝

生棟城陰暝入濠望煙歸海嶠送鴈度江臯死馬嘶

寒擬吳鈞在錦改未能追狡兔空覺長江萬水迴

千里風帆過萬艘閔川終古恨唯見暮滔滔

德裕述夢詩記為夢中賦詩耳元微之和云聞有池

塘什還因夢寐遭攀未占類蔡詠豆放過曹莊蝶玄

言秘羅禽藻思高注云本篇稱六句皆夢中作故此

三聯多證夢意已下皆言同在翰林及翰苑故事若

學士初入賜龍飛馬故有借騎銀杏葉之句青詔用

麥紋紙故有麥紙侵紅點之句麻制例別通霄勘寫

故有蘭燈焰碧高之句學士密邇銀臺每旦嘗聞門

使勘契開鎖又院門有急命即鈴索門自搖習以為

異故有吏傳開鎖契神撼引鈴條之句學士無過從

唐紀卷四十八  
聚會之例時與李開行寺觀而已故有分阻盃盤會  
開期寺觀邀之句乃皆唐之故事也

### 鄭還古

還古閑居東都將入京赴選柳當將軍者餞之酒酣  
以一詩贈柳氏之妓曰冶豔出神仙歌聲勝管絃詞  
輕白紵曲歌過碧雲天未擬生裴秀如何乞鄭玄不  
堪金谷水橫過墜樓前柳喜甚曰專伺榮命以此為  
賀未幾還古除國子博士柳見除目即遣入京及嘉  
祥驛而還古物故乃放妓他適逸史載還古初娶柳  
氏女嘉會之初夢娶房氏後柳卒再娶東都李氏屬

房直溫為東洛少尹李之舅也禮宴皆房主之始知  
舊夢之前定也

還古登元和進士第

### 裴航

長慶中裴航下第遊鄂渚傭舟還都有樊氏女同載  
航賂其侍兒以詩求達曰同為胡越猶懷思况遇天  
花隔錦屏儻若玉京朝曾去願隨鸞鶴入青瑩樊答  
詩曰一飲瓊漿百感生玄霜搗盡見雲英藍橋便是  
神仙宅何必崎嶇上玉清世傳藍橋雲英之事未必  
信姑載於此

裴休

贈黃蘗山僧希運詩曰自從大士傳心印額上圓珠  
七尺身挂錫十年棲蜀水浮盃今日渡漳濱一千龍  
象隨高步萬里香華結勝因擬欲事師爲弟子不知  
將法付何人休會昌中官于鍾陵請運至郡以所解  
一篇示之師不顧曰若形於紙墨何有吾宗休問其  
故曰上乘之印唯是一心更無別法心體一空萬緣  
俱寂如大日輪升於虛空其中照耀靜無纖埃證之  
者無新舊無淺深說之者不立義解不開戶牖直下  
便是動念即乖其後休錄之爲傳心法要云

休字公美孟州人大中六年爲相能文章爲人醞藉  
進止雍閑宣宗曰休真儒者

呂群

群元和十一年下第遊蜀性不容下僕馭怨之至眉  
州題詩所寓寺之東壁其一二云路行三蜀盡身及一  
陽生賴有殘燈火相依坐到明其二曰杜後辭巢燕  
霜前別帶蓬願爲胡蝶夢飛去覓關中吟訖淚下意  
緒不堪未幾爲其奴所殺

徐商王傳

商鎮襄陽有副使節判同加章綬商以詩賀之云朱

紫花前賀故人兼榮此會頗關身同年坐上聯賓榻  
宗姓亭中布錦榻晴日照旗紅灼爍韶光入隊影珍  
璘芳菲解助今朝喜嫩藥青條滿眼新

觀察判官將仕郎監察御史王傳和云朱紫聯輝照  
日新芳菲全屬斷金人華筵重處宗盟地白雪飛時  
郢曲春仙府色饒攀桂信蓮花光護握蘭身自憐亦  
是膺門客吟想恩榮氣益振

朝議郎江州刺史段成式和云雲雨軒懸鶯語新一  
篇佳句占陽春銀黃年少偏欺酒金紫風流不讓人  
連壁坐中斜日滿貫珠歌裏落花頰莫辭倒戴吟歸

去看欲東山又吐茵

商宣宗時爲山南東道節度使咸通四年爲宰相封  
東莞縣子商與曹確楊收路巖同秉政有嘲之者曰  
確確無餘事錢財摠被收商人都不管貨賂幾時休  
傳登大中三年進士第初貧窶於中條山萬固寺入  
院讀書家廟碑云隨僧洗鉢

韋渠牟

貞元元年渠牟爲大府卿與金吾李齊運度支裴延  
齡京兆尹嗣道皆承恩寵薦人多得名位時劉老師  
穆寂皆科目渠牟主穆寂齊運主老師會齊運朝對

上嗟其羸弱許以致仕而老師失祿無名子嘲之云  
太尉朝天外穆老尚書倒地落劉郎劉禹錫曰名場  
巖嶮如此出古今詩話

渠牟南山四皓贊云煖煖煌煌為瑋為璋孰光乎不  
耀之光幽幽深深為山為林孰擊乎不擊之心足知  
乎虛室生白玄門不關流水去住清風往還豈比乎  
稷契在世巢由在山一物有累兩心不閑者哉閑之  
謂何簪居薛蘿本不干我豈云其他熙熙忻忻與時  
為春匡漢避秦惟茲四人于德之濱不迷其津繪事  
後素孰知其故想像儀刑念茲丹青擘擘紫芝深谷

逶迤俛仰今古空林往時鳳豈無德鸞皆有群出處  
嘿語商山白雲

渠牟述之從子也少警悟攻為詩李白異之授以古  
樂府去為道士不終更為浮屠已而復冠韓滂表試  
校書郎德宗誕日詔徐岱趙需許孟容與渠牟及佛  
老二師並對麟德殿質問大趣渠牟有口辯雖三家  
未究解然答問鋒生帝聽之意動遷秘書郎後倚延  
齡為姦利勢焰可炙擢太常卿卒權載之叙其文曰  
初君年十一嘗賦銅雀臺絕句右拾遺李白見而大  
駭因授以古樂府之學且以瓌琦軼拔為已任至弱

冠乃喟然曰四始五際今既遠矣會情性者因於物  
象窮比興者在於聲律蓋辨以麗以則得於無間合  
於天倪者其在是乎彼思休稱謝末嘉如芙蓉出水  
鍾嶸謂范尚書如流風迴雪吾知之矣遂苦心藻慮  
儷詞比事纖密清巧度越群倫嘗著天竺寺十六韻  
魯郡文忠公序引而和之使畫工圖於仁祠摘句配  
境偕爲勝絕又於江南著卧疾三十韻晉國忠肅公  
手翰以美之曰草木獨立其在我韋生乎其爲名臣  
宗公所稱賞如此又與竟陵陸鴻漸杼山僧皎然爲  
方外之侶沉冥博約爲日最久而不名一行不滯一

方故其曳羽衣也則曰遺名攝方袍也則曰塵外披  
儒服也則今之名字著焉周流三教出入無際寄詞  
詣理必於斯文

陸長源

孟東野以樂府戲贈云蓮子不可得荷花坐水中猶  
勝道傍柳無事蕩春風長源荅云芙蓉初出水菡萏  
露中花風吹著枯木無柰值空槎

東野有夷門雪贈主人云夷門貧士空吟雪夷門豪  
士皆飲酒酒聲歡闌入雲霄雲聲激切悲枯朽悲歡  
不同歸去來萬里春風動江柳

長源答云好丹與素道不同失意得途事皆別東隣  
年少樂未英南客思歸腸欲絕千里長河水復水雲

鴻冥冥楚山雪

酬東野新居見寄云大道本夷曠高情亦冲虛因隨  
白雲意偶逐青蘿居青蘿分蒙密四序無慘舒餘情  
濯子衿散彩還吾廬去歲登美第榮名在公重將必  
繼管蕭豈惟躡應徐首夏尚清和殘芳徧丘墟褰幃  
蔭窓柳汲井滋園蔬達者貴知心古人不願餘愛君  
蔣生徑且著茂陵書

長源吳人贍於學德宗以宣武節度使董晉懦悞詔

長源爲司馬佐之持法峭刻晉卒長源總留後事軍  
亂殺之

盧宗回

長安慈恩寺塔詩云東方曉日上翔鸞西轉蒼龍拂  
露盤渭水冷光搖藻井玉峯晴色墮欄杆九重宮闕  
參差見百二山河表裏觀暫輟去蓬悲不定一凭金  
界望長安

宗回登元和進士第

劉開

登樓望月云圓月當新霽高樓見最明素波流粉壁

丹桂拂飛毫下瞰千門靜旁觀萬象生梧桐窻下影  
烏鵲榭前聲嘯逸劉琨興吟資瘦亮情遊人莫登眺  
迢遞故鄉程

又云皎潔三秋月魏我百丈樓下分征客路上有美  
人愁帳卷芙蓉帶簾褰玳瑁鈎倚窻情渺渺憑檻思  
悠悠未得金波轉俄成玉筯流不堪三五夕夫婿在  
邊州

闕字太初擢進士宏詞科佐韋臯府後爲西川節度  
以叛誅

薛宜僚

宜僚以左庶子充新羅冊贈使至青州悅一妓段東  
美賦詩曰阿母桃花方似錦王孫草色正如煙不須  
更向滄海望惆悵懽情又一年到外國謂判官苗甲  
曰東美何故頻見夢中數日而卒觀至青段莫之一  
慟而卒

陸希聲

古之善書鮮有得筆法者希聲得之凡五字撇押鈎  
格抵用筆雙鈎則點畫適勁而盡妙矣謂之撥鐙法  
希聲自言昔二王皆傳此法至陽冰亦得之希聲以  
授沙門詭光詭光入長安爲翰林供奉希聲猶未達

以詩寄晉光云筆下龍蛇似有神天池雷雨變逡巡  
寄言昔日不龜手應念江頭并滌人晉光感其言引  
薦希聲於貴倖後至相

希聲博學善屬文相昭宗在位無所輕重以太子太  
師罷李茂正犯京師與疾避難卒

崔季卿

晴江秋望云八月長江萬里晴千帆一道帶風輕盡  
日不分天水色 南是岳陽城

季卿峒之從孫也

皇甫澈

正元十四年澈刺蜀州賦四相詩序云蜀州刺史廳  
壁記居相位者前後四公謨明弼諧遷轉歷此顧已  
無取忝跡於斯景行遺烈嗟嘆之不足也謹述其行  
事詠其休美庶將來君子知聖朝之德云爾

中書令漢陽王張柬之

周曆革元命天步值艱阻烈烈張漢陽左袒清諸武  
休明神器正文物舊儀觀南向翊大君西宮朝聖母  
借韻用 茂勳鍾鍾鼎鴻勞食茅土至今稱五王卓立  
作補文

邁萬古


中書令鍾紹京

景龍仙駕遠中禁奸釁結謀猷叶聖朝披鱗奮英節  
清宮閭闔啓滌穢氛沴滅紫極重昭回皇天新日月  
從容廟堂上肅穆人神悅唐元佐命功輝煥何烈烈  
禮部尚書門下侍郎平章事李峴

時來偶明聖道濟寧邦國猗歟瑚璉器竭我股肱力  
進賢黜不肖措枉舉諸真宦官旣却坐權豎亦移職  
載踐每若驚三已無愠色昭昭垂憲章來世實作則  
門下侍郎平章事王縉

舟楫濟巨川山河資秀氣昭膺允儒業屈指取高位  
北征戮驕悍東守輯瓌貳論道致巍巍持衡無事事

同  
知己不易遇宰相固有器瞻事華壁中來者誰其



唐詩紀事卷第四十九

胡杲

吉皎

劉真

鄭據

盧貞

張渾

白居易

項斯

龐蘊

蔡京

滕邁

郭周藩

殷潛之

裴思謙

何扶

鄭斡

廖有方

薛書記

賈耽


盧貞

姚合

胡杲

前懷州司馬安定  
胡杲年八十九

九老會賦詩云閑居同會在三春大抵愚年最出群  
霜鬢不嫌盃酒興白頭仍愛玉爐薰徘徊玩柳心猶



唐紀卷之九  
健老大看花意却勤鑿落蒲斟判醕酌香囊高挂任  
氤氳搜神得句題紅紙望景長吟對白雲今日友情  
何不替齊年同事聖明君

吉皎

衛尉對鄉致仕馮翊  
吉皎年八十八

九老會云休官罷任已閑居林苑園亭興有餘對酒  
最宜花藻發邀歡不厭柳條初低腰醉舞垂緋袖擊  
筩謳歌任褐裾寧用管絃來舍雜自親松竹且清虛  
飛觥酒到須先酌賦詠成詩不住書借問商山賢四  
皓不知此後更何如

劉真

前磁州刺史廣  
平劉真八十七

九老會云垂絲今日幸同筵朱紫居身是大年賞景  
尚知心未退吟詩猶覺力完全閑庭飲酒連三月在  
席權豪象七賢山茗煮時秋霧碧玉盃斟處彩霞鮮  
臨堦花笑如歌妓傍竹松聲當管絃雖未學窮生死  
訣人間豈不是神仙

鄭據

前龍武軍長史榮  
陽鄭據八十五

九老會云東洛幽間日暮春邀懼多是白頭賓官班  
朱紫多相似年幾高低次第勻聯句每言松竹意停  
盃多說古今人更無外事來心肺空有清虛入思神  
醉舞兩迴迎勸酒狂歌一曲會余身今朝何事偏情

重同作明時列任臣

盧貞前侍御史內供奉官

九老會云三春日盡洛陽宮天氣初晴景象中千朵  
嫩柳迎曉日萬株垂柳逐和風非論官位皆相似及  
至年高亦共同對酒歌聲猶覺妙玩花詩思豈能窮  
先時共作三朝貴今日猶逢七老翁但願綠醪常滿  
酌煙霞萬里會應通

張渾前兖州刺史清

九老會云幽亭春盡共為懽印綬居身是大官遁跡  
豈勞登遠岫垂絲何必坐溪磻詩聯六韻猶應易酒

飲三盃未覺難每况襟懷同要會共將心事比波瀾  
風吹野柳懸羅帶日照庭花落綺紈此席不煩鋪錦  
帳斯筵堪作畫圖看

白居易刑部尚書致仕年七十四

九老會云七人五百八十四拖紫紵朱垂白鬢囊囊  
無金莫嗟嘆樽中有酒且歡娛吟成六韻神還玉飲  
到三盃氣尚鹿鬼我狂歌教婢拍婆娑醉舞遣孫扶  
天年高邁二疎傳人數多於四皓圖除却三山五天  
竺人間此會且應無

樂天退居洛中作尚齒九老之會其序曰胡吉劉鄭

盧張等六賢皆多壽餘亦次焉於東都弊居履道坊  
合尚齒之會七老相顧既醉且歡靜而思之此會希  
有因各賦七言韻詩一章以記之或傳諸好事者時  
會昌五年二月二十四日樂天云其年夏又有二老  
年貌絕倫同歸故鄉亦來斯會續命書姓名年齒寫  
其形貌附于圖右與前七老題為九老圖仍以一絕  
贈之云雪作鬚眉雲作衣遼東華表暮雙歸當時一  
鶴猶希有何况今逢兩令威洛中遺老李元爽年一  
百三十六憚僧如蕪歸  
洛年九又云時秘書狄兼謨河南尹盧貞以年未七  
十雖與會而不及列

### 項斯

斯字子遷江東人始未為聞人因以卷謂楊敬之楊  
苦愛之贈詩云幾度見詩詩盡好及觀標格過於詩  
平生不解藏人善到處逢人說項斯未幾詩達長安  
明年擢上第蒼梧雲氣詩云何年畫作愁漠漠便難  
收數點山能遠平鋪水不流濕連湘竹暮濃蓋舜墳  
秋亦有思鄉客看來盡白頭

贈金州姚合使君云為郎名更重領郡是蹉跎官壁  
題詩盡衙庭看鶴多城池連竹漸籬落帶椒坡未覺  
旌藩貴閑行觸處過始張水部籍為律格詩惟朱慶

唐紀卷四十一  
餘親授其旨公流而下有任蕃陳標章孝標司空圖  
咸及門焉寶曆開成之際斯尤爲水部所知故其詩  
格與之相類鄭少師薰云項斯逢水部誰道不關情  
斯留別水部詩去省中重拜別兼領故人書已念此  
行遠不應相問踈子城西並宅御水北同渠要取春  
前到乘閑候起居

佳人背江坐眉際列煙樹

使樓

馬蹄沒青莎船跡成

空波春風吹兩意何處更相值  
燕句 燭殘催卷席坐冷  
怕梳頭寒入鴈聲長句右張爲取於主客圖

張籍贈詩云端坐吟詩忘忍飢  
萬人中亦見君稀門

連野水風長到驢放秋原夜不歸日暖剩收新落葉  
天寒更着舊生衣曲江亭上頻頻見爲愛鷓鴣雨飛

龐蘊

蘊有詩云未識龍宮莫說珠識珠言說與君殊空拳  
只是嬰兒信豈得將來誑老夫又曰萬法從心起心  
生萬法生法生何日子來去枉虛行寄語修道人空  
生慎勿生如能達此理不動出深坑

又曰極目觀前境寂寥無一人迴頭看後底影亦不  
隨身又曰神識苟能無罣礙廓周法界等虛空不假  
坐禪持戒律超然解脫豈勞功

蘊字道元衡陽人嗜浮屠法厭離貪俗挈所有沉之  
洞庭鬻竹器以爲生後居襄陽臨終召刺史于頔謂  
曰但願空諸所有慎勿實諸所無善住世間皆知影  
響言訖奄然而化時正元間也世號龐居士

居士初參石頭和尚問師不與萬法爲侶是什麼人  
石頭以手掩居士口居士豁然大悟石頭一日問居  
士云子自見老僧已來日用事作麼生居士云若問  
某甲日用事直下無開口處石頭云知子什麼方始  
問于居士遂呈一頌曰日用事無別惟吾自偶諸頭  
頭非取捨處處勿張乖朱紫誰爲號青山絕點埃神

通并妙用運水及般柴石頭然之曰子將緇耶素耶  
居士曰願從所慕遂不染剃

居士後之江南參見馬祖問不與萬法爲侶是什麼  
人祖云待你一口吸盡西江水即向汝道居士言下  
頓悟宗要乃作頌曰十方同聚會箇箇學無爲此  
是選佛場心空及第歸

居士一日訪谷隱道者道者問云誰居士立起杖子  
隱云莫是上上機麼居士拋下杖子隱無語居士云  
只知上上機不覺上上事隱云作麼生是上上事居  
士拈起杖子隱云不得草草居士云可憐強作主宰

隱云有一機人不要拈搥豎拂亦不明對蒼言辭居士若逢如何則是居士云何處逢隱把住居士居士慕面便唾隱無語居士與一頌曰燭水無魚下底鈎覓魚無處笑君愁可憐谷隱致禪伯被唾如何見亦羞

蔡京

邕州蔡大夫京者故令狐文公楚鎮滑臺日於僧中見曰此童眉目疎秀進退不懼惜其單幼可以勸學乎師從之乃得陪學於相國子弟後以進士舉上第尋又學究登科作尉畿服既爲御史覆獄淮南李相

紳憂悸而卒頗得繡衣之稱謫居澧州爲厲員外玄所辱稍遷撫州刺史以辭氣自負郡有汝水爲放生池不許漁罟之事忽一人乘小舟釣於此蔡遣吏捕釣者乃爲詩曰拋却長竿卷却絲手携蓑笠獻新詩臨川太守清如鏡不是漁人下釣時京覽詩召之已去卒不言其姓字或曰野人張頂也京益自驕矜作詩責商山四皓曰秦末家家思逐鹿商山四皓獨忘機如何鬢髮霜相似更出深山定是非及假節邕交道由吳溪傍惶賦詩久之詩曰停撓積水中覺目孤煙外借問吳溪人誰家有山賣旣而殂於邕南藁殯

此地亦有其兆矣詠子規云千年冤魄化為禽水逐  
悲風叫遠林愁血滴花春豔死月明飄浪冷光沉疑  
成紫塞風前淚驚破紅樓夢裏心腸斷楚詞歸不得  
劍門迢遞蜀江深

劉夢得有送前進士蔡京赴學究科詩云已是世間  
能賦客更攻窓下絕編書又云幸遇天官舊丞相知  
君無翼上虛空蓋欲薦之時相也京以進士舉登學  
究科時為好及第惡科名有錦上披蓑之誚焉

令狐文公在天平後堂宴樂京時在坐故義山詩云  
曰足禪僧思敗道青袍御史擬休官謂京曾為僧也  
或云咸通中為廣西節度褊伎貪克峻條今為炮熏  
剗斫法御下慘毒為軍中所逐後貶死

### 騰邁

湖州崔芻言郎中初為越副戎宴席中有周德華者  
劉採春女善歌楊柳枝詞所唱七八篇皆名流之詠  
騰邁郎中一首云三條陌上拂金羈萬里橋邊映酒  
旗此日令人腸欲斷不堪將入笛中吹賀知章祕監  
一首云碧玉裝成一樹高萬條垂下綠絲條不知細  
葉誰裁出二月春風似剪刀楊巨源負外一首云江  
邊楊柳麴塵絲立馬馮君折一枝唯有春風最應惜

殷勤更向手中吹劉禹錫尚書一首云春江一曲柳  
千條二十年前舊板橋曾與美人橋上別恨無消息  
到今朝韓琮舍人二首云枝裊芳腰葉闔眉春來無  
處不如絲灞陵原上多離別少有長條拂地垂又曰  
梁苑隋堤事已空萬條猶舞舊春風那堪更想千年  
後誰見楊花入漢宮

雲溪子曰杜牧舍人云巫娥廟裏低含雨宋玉堂前  
斜帶風滕郎中又云陶令門前習接籬亞夫營裏拂  
朱旗但不言楊柳二字取為妙也是以姚合郎中吟  
道傍亭子詩云南陌遊人迴首去東林道者杖藜歸

不稱亭而意見矣邁登元和進士第

郭周藩

譚宜者陵州民叔皮子也開元末生而有異年二十  
餘忽失所在大曆初年還家即霞冠羽衣真仙之流  
也言訖而去其家靈泉湧出禱必有應因名譚子池  
亦曰天池進士郭周藩為詩記其事曰澄水一百步  
世名譚子池余詰陵陽叟此池當因誰父老謂餘說  
本郡譚叔皮開元末年中生子字阿宜墜地便能語  
九歲多髭眉不飲亦不食未嘗言渴飢十五銳行走  
快馬不能追二十入山林一去無還期父母憶念深

鄉閭爲立祠大曆元年春此兒忽來歸頭冠簪鳳凰  
身著霓裳衣普遍拯疲俗丁寧告親知餘爲神仙官  
下界不可祈恐爲妖魅假不如早平夷此有黃金藏  
鎮在茲廟基發掘散生聚可以救貧羸金出繼靈泉  
湛若清琉璃泓澄表符瑞水旱無竭時言訖辭冲虛  
杳靄上玄微凡情留不得攀望衆號悲尋稟神仙誠  
徹廟僅開窺果獲無窮寶均融沾困危巨源出顛頂  
噴湧世間稀異境流千古終年福四維

周藩河東人登元和六年第

殷潛之

野人殷潛之題籌筆驛云江東矜割據鄴下奪孤發  
霸略非臣漢宏圖欲佐誰秦書辭後主仗劍出全師  
重襲褒斜路懸關反正旗欲將苟有截必使覺無遺  
沉慮經謀際揮毫決勝時園飢當分畫前飭此操持  
山秀扶英氣川流入妙思算成功在穀運去事終亏  
命屈天方厭人亡國自隨艱難推舊姓開創極初基  
總數曾過地寧探作教資若歸新曆數誰復顧衰危  
報德兼明道長留識者知

杜牧之和云三吳裂婺女九錫獄孤兒霸王業未半  
本朝心是誰末安宮受詔籌筆驛沉思畫地乾坤在

需毫勝負知艱難司草創得失計毫厘寂默經千慮  
分明渾一期川流縈智思山聳助扶持慷慨匡時略  
從容問罪師褒中秋鼓角渭曲晚旄旗仗義懸無敵  
鳴攻固有辭若非天奪去豈復慮能支子夜星纔落  
鴻都鼎便移郵亭世自換白日事長垂何處躬耕者  
猶題殄瘁詩

裴思謙

思謙及第後作紅牋名紙十數詣平康里因宿於里  
中詰旦賦詩曰銀釭斜背解鳴璫小語偷聲賀王郎  
從此不知蘭麝貴夜來新染桂枝香

思謙開成三年登上第

何扶

扶大和九年及第明年捷三篇因以一絕寄舊同年  
曰金榜題名墨尚新今年依舊去年春花間每被紅  
粧問何事重來只一人

鄭澣

和李德裕遊漢州房公湖云太尉留琴聽時移重可  
尋徽絃一掩抑風月助登臨榮駐青油騎高張白雪  
音祇言酬唱羨良史記王箴

又云靜對煙波夕猶思棟宇精卧龍空有處馴馬獨

唐紀卷四十九  
忘情顧步襟期遠參差物象橫自宜雕樂石爽氣際  
青城

舊竹亭聞琴云石室寒飈驚孫枝雅器裁坐來山水  
操絃斷弔遺埃

韋餘慶之子文宗時為翰林學士進左承出為山南  
西道節度使以戶部尚書召卒文宗嘗為餘慶曰涵  
卿令子而朕直臣也可更相賀涵辭舊名以文宗故  
名改焉

廖有方

有方元和十年失意遊蜀至寶雞西界空旅逝者書

板記之曰余元和乙未歲落第西征適此聞呻吟之  
聲潛聽而微憒也問其疾苦住止對曰辛勤數舉未  
偶知音眊眊叩頭久而復語唯以殘骸相託餘不能  
言俄而逝餘乃醫所乘馬於村豪備棺瘞之恨不知  
其姓字臨歧悽斷復為銘曰嗟君沒世委空囊幾度  
勞心翰墨場半面為君申一慟不知何處是家鄉  
明年李逢吉擢有方及第改名游鄉唐之義士也有  
方交州人柳子厚以序送之

薛書記

元相公賓府有薛書記飲酒醉後因爭令擲注子擊

傷相公猶子遂出幕醒來乃作十離詩上獻府主

犬離主云馴撓朱門四五年毛香足淨主人憐無端

咬着親情容不得紅絲毯上眠

筆離手云越管宣毫始稱情紅牋紙上撒花瓊都綠

用久鋒頭盡不得羲之手裏擎

馬離廐云雪耳紅毛淺碧蹄追風曾到日東西為驚

玉貌郎君墜不得華軒更一嘶

鸚鵡離籠云隴西獨自一孤身飛去飛來上錦榻都

綠出去無方便不得籠中再喚人

鸞離巢云出入朱門未忍拋主人嘗愛語咬咬嚙泥

穢汚珊瑚簾不得梁間更壘巢

珠離掌云皎潔圓明內外通清光似照水精宮都綠

一點瑕相穢不得終宵在掌中

魚離池云戲躍蓮池四五秋常搖朱尾弄輪鈎無端

擺斷芙蓉朵不得清波更一遊

鷹離主云瓜利如鋒眼似鈴平原捉兔稱高情無端

竄回青雲外不得君王手上擎

竹離亭云蒼鬱新栽四五行常將貞節負秋霜為綠

春筍鑽牆破不得垂陰覆玉堂

鏡離臺云鑄瀉黃金鏡始開初生三五月徘徊為遭

無限塵蒙蔽不得華堂上玉臺

元公詩云馬上同携今日益湖邊還折去年梅年年  
祇是人空老處處何曾花不開歌詠每添詩酒興醉  
酣還命管絃來樽前百事皆依舊點檢唯無薛秀  
才

賈耽

耽賦虞書歌云綴書之中虞書巧躰法自然歸大道  
不同懷素只攻顛豈類張芝惟劉草形勢素筋骨老  
父子君臣相揖抱孤青似竹更颺颺闊白如波長浩  
渺能方正不隳倒功夫未至難尋與須知孔子廟堂

碑便是青箱中至寶

耽字敦詩正元中爲宰相

盧貞

字子蒙會昌五年爲河南尹樂天九老會貞年未七  
十亦與焉時又有內供奉盧貞貞和劉夢得歲夜懷  
云文翰走天下 琴樽卧洛陽貞元朝士盡新歲一  
悲涼名草綠才大官遲爲壽長時來知病已莫歎步  
趨妨

楊柳枝詞云一樹依依在水豐兩枝飛去香無蹤玉  
皇曾採人間曲應逐歌聲入九重

姓合

合宰相崇曾孫登元和進士第調武功主簿世號姚  
武功又爲富平萬年尉實應中歷監察御史戶部外  
郎出荆杭二州刺史後爲給事中陝號觀察使開成  
末終秘書監與馬戴曹冠卿殷堯藩張籍遊李頻師  
之合有涵元集取五維等二十六人詩百篇曰此詩  
中射雕手也

移花兼蝶至買石得雲饒句插劍龍纏臂開旗火滿  
身向家中去城遠日月在瓶多句身斬山友棄膽賴  
酒盃扶句右張爲主客圖取李益爲清奇雅正主以

合爲入室

酉陽雜俎言僧清教句云雷電下嵩陰故姚監常吟  
之不輟又僧雲容句云木末上明星清教又有句云

香連鄰舍像荆州僧云大孰護隣房

張籍寄合詩云病來辭赤縣按上有丹經爲客燒茶

竈教兒掃竹亭詩成添舊卷酒盡卧空瓶聞下今遺

逸誰占隱士星

又寒食夜寄合云貧官多寂寞不異野人居作酒和

山藥教兒寫道書五湖歸去遠百事病來疎况是同

懷客寒應月上初

合酬張司業見寄云日日在中心青山青桂叢高人  
多愛靜歸路亦應同罷吏無由病因僧得解空新詩  
勞見問吟對竹林風

一日看除日終年損道心合之詩也

合為魏州從事寄耿拾遺云小在兵馬間長還繫我  
職難飛不得遠豈要生羽翼三年城中遊與君最相  
識應知我衷腸不苟念衣食主人樹功名欲撼天下  
賊愚雖乏智謀願陳一夫力人生須氣健飢凍縛不  
得睡當一席寬覺乃千里窄古人不懼死徒死亦無  
益至交不可合一合難離拆君嘗相勸勉苦語毒曾

臆百年心知聞誰限河南北

送張宗原詩云東門送客道春色如死灰一客失意  
行十客顏色低住者既無家去者又非歸愁窮一成  
疾百藥不可治子賢我且愚命分不合齊誰開蹇躓  
門日日同遊樓子行何所之切切食與衣誰能買仁  
義令子無寒飢野田不草草四向生路岐士人甚商  
賈終日須東西鴻鴈春北去秋風復南飛勉君向前  
路無失相見期

武功縣閑居云縣去京城遠為官與隱齊馬隨山鹿  
放鷄雜野禽棲連舍惟滕架侵堦是藥畦更師嵇叔

唐詩紀事卷四十九  
夜不擬作書題

又云簿書多不會薄俸亦難銷醉卧慵開眼閑行懶  
繫腰移花兼蝶至買石得雲饒且自心中樂從他笑  
寂寥

又云日出方能起庭前看種花吏來山鳥散酒熟野  
人過岐路荒城少煙霞遠岫多同官更相引下馬上  
西坡劔器云聖朝能用將破敵速如神插劔龍纏臂  
開旗火滿身積屍川沒岸流血野無塵今日當場舞  
須知盡戰人

方干哭姚監云入室幾人成弟子為儒是處哭先生

又上姚杭州云身貴久離行樂伴才高獨作後人師

唐詩紀事卷第五十

封敖

鄭薰

王軒

宋雍

李摯

韋澳

段文昌

姚向

温會

李敬伯

姚康

張正元

楊嗣復

炙轂子

楊庠

劉知伯

王觀

陳上美

侯列

崔樞

陳彦博

郭良驥


崔嘏

李景遜

唐球

唐詩紀事卷第五十

唐詩紀事卷第五十



封敖

敖爲池州刺史題西隱寺云三年未到九華山終日  
披圖一室間秋寺喜因晴後賞靈峯看待足時還後  
從有性留僧坐雲謁無心伴客閑勝事儻能銷歲月  
已拚名利不相關

敖字碩夫冀州人雅爲李德裕所器武宗時詔慰邊  
將傷夷者曰傷居爾體痛在朕躬劉稹平德裕進太  
尉制曰言皆予同謀不他惑皆敖爲之終尚書右僕  
射才高而少行檢故不至宰相

鄭肇

贈肇疇詩序云九華處士肇疇擅玄言之要通易老  
其於淨名僧肇尤精達余在句溪時重其能車幣而  
致之及到官舍再說易一說老氏將兒姪輩執卷列  
坐而傳之老氏畢業而寇難作與肇各散去不知其  
何之存耶亡耶余旣休居洛師鏤扉獨靜已卯冬十  
一月半雪中有客扣柴門樵童視之走復曰肇處士  
遽下榻開關執手話艱苦肇背簪笈草履杖靈壽下  
笠且咍笑曰聞公恬養淡逸不屑於榮悴故以玄來  
助成之升榻解四書即易老淨肇也明日講肇  
論階前多偃松高桂冰凍墮落有琴瑟金石聲理致

明妙神骨超爽自謂一時之遇日與故人爲徒又意  
茲樂之難諧也遂成二十韻贈之詩云密雲松桂寒  
書窓導餘清風撼水玉碎階前琴磬聲榻靜几硯潔  
帙散縑緗明高論展僧肇精言資肇生立意加玄虛  
析理分縱橫萬化悉在我一物安能驚江海何所動  
丘山常自平遲速不相闕後先徒起爭鏡照各妍醜  
秤稱分重輕顏容寧入鑑銖兩豈關衡蘊微道超忽  
剖證音泠泠紙上掣牢鍵舌端搖利兵圓澈保真性  
客塵排妄情有住即非住無行方是行踈越捨吳典  
朱絃鄙秦箏淡薄貴無味羊斟慙大羹洪遠包乾坤

幽窗潛沉冥罔煩跬步舉頓達萬里程廬遠尚莫曉  
隱留曾誤聽直須持妙說共詣毗耶城

薰字子溥爲宣歙觀察使前不治薰以才力自將牙  
將素驕共謀遂出之奔楊之後分司東都懿宗時爲  
左丞薰端勁再知禮部引寒俊士類多遺老號所居  
爲隱品自號七松處士云

大中八年掌文誤以顏標爲魯公之後以第一人處  
之士子嘲曰主司頭腦太冬烘錯認顏標作魯公鄭  
谷有故少師從翁隱巖別業亂後榛蕪感舊愴懷之  
作即薰也詩云風騷爲士人風俗作清塵密行稱閨

閻明誠動晉紳周旋居顯重內外掌絲綸妙主蓬壺  
籍忠為社稷臣大儀墻仞峻東轄紀綱新聞善嘗開  
口推公直為身立朝鳴珮貴歸宅典衣貧半醉看花  
晚中食煮菜春晴臺隨鹿上幽野約僧隣理論知清  
越清越江左詩僧公甚稱之生徒得李頻藥香沾筆硯竹色染衣  
巾寄鶴眠雲更騎驢入室賓賦通中舉子乘馬唯張高跨馬延於門下  
將姚監比自姚監秘合主張風雅後孤卿一人而已僻與段卿親故少常成式與  
學辛勤章句及葉積池邊路茶暹雪後薪所難留著微孤卿為前序  
述誰不秉陶鈞喪亂時多變追思事已陳浮華重發  
作雅正甚湮淪宗從今何在依棲素有因七松無影

響孤卿植松七枝自號七松處士雙淚益悲辛猶喜于門秀年來屈  
併伸班即孤卿姪孫登進士科級也

王軒

軒少為詩頗聞淇澳之篇遊西江泊舟蘿山下題  
西施石曰嶺上千峯秀江邊細草春今逢浣沙石不  
見浣紗人

軒登大和進士第

宋雍

范攄云宋雍初無令譽及嬰瞽疾其詩名始彰盧貞  
外綸作擬僧之詩僧清江作七夕之詠劉隨州有眼

作無眼之句宋雍無眼作有眼之詩詩流以為四昔  
或云四倒然辭意悉為佳致盧公詩云願得遠公知  
姓字焚香洗鉢過餘生清江詩曰唯愁更漏促離別  
在明朝劉隨州曰細雨濕衣看不見閑花落地聽無  
聲雍詩曰黃鳥不堪愁裏聽綠楊宜向雨中看

### 李摯

正元十二年摯以宏詞振名與李行敏同姓同甲子  
同年登第俱二十五歲又同門摯嘗有詩曰因緣三  
紀異契分四般同

### 韋澳

字子斐以宏詞登科懿宗時為邠寧節度使坐事罷  
鎮以秘書監分司東都嘗戲吟云莫將韋監同殷鑒  
錯認容身是保身此句聞於京師權倖尤怒之

### 段文昌

古栢文云是草木有異於草木則靈武侯祠前栢壽  
千齡盤根擁門勢如龍形含碧太空散霧虛庭合抱  
在於旁枝駢梢葉之青青百尋及於半身蓄風雷之  
冥冥攢柯垂陰分翠間明忽如虬螭向空爭行上承  
翔雲孤鸞時鳴下蔭芳苔凡草不生古色天風蒼蒼  
玲瓏曾到靈山老栢縱橫亦有太者莫之與京於惟

武侯佐蜀有程神其不昏表此為禎斯廟斯栢實播  
芳馨長慶二年六月題

文昌字墨卿有別業在廣都縣之南龍華山嘗杜門  
力學干此俗謂之段公讀書臺長慶初朝議文昌少  
在西蜀諳詳利病詔授劔南節度使有邑人贈詩曰  
昔日騎驢學忍飢今朝忽着錦衣歸等閑畫虎驅紅  
旆可畏登龍入紫微富貴不由翁祖致文章生得羽  
毛飛廣都再去應惆悵猶有江邊舊釣磯

文昌還別業有尋龍華山寺廣宣上人詩云十里惟  
聞松桂風江山忽轉見龍宮正與休師方話舊風煙

幾度入樓中郭震亦有題龍華山詩曰昔年曾到此  
山回百鳥聲中酒一盃最好寺邊開眼處段文昌有

讀書臺

古今詩話

文昌父鏐為江陵紂文昌長自諸宮客遊成都韋南  
康與奏釋褐為賓從後劉闢逐作外邑高崇文收蜀  
召復舊職指其椅曰此猶不足與君坐文昌遽請歸  
闕至興元西鵠鳴驛有僧倚巴山之隈有前識謂文  
昌曰去日既逢梅蕊綻來時應見杏花開至京屢外  
擢自相位拜劔南節度西至鵠鳴僧已物故杏花方  
盛

文昌客荆州從事劔南帥幕其後相穆宗罷相鎮蜀  
再相文宗罷相帥荆南復鎮蜀太和九年卒

文昌鎮蜀有題武擔寺西臺詩云秋天如鏡空樓閣  
盡玲瓏水暗餘霞外山明落照中鳥行看漸遠松韻  
聽難窮今日登臨意多歡語笑同

文昌晚夏登張儀樓呈院中諸公詩云重樓窓日開  
四望歛煙埃遠岫林端出清波城下迴乍疑蟬韻促  
稍覺雪風來併起鄉關思銷憂在酒盃

姚向

和登武擔寺西臺詩云開閣錦城中餘閑訪林宮九

層連晝景萬象寫秋空天半將身到江長與海通提  
携出塵土曾是穆清風

向奉陪段相公晚夏登張儀樓詩云秦相架群材登  
臨契上台查從銀漢落江自雪山來儷曲親流火凌  
風冷小杯帝鄉如在目欲下盡徘徊

向爲節度判官時長慶二年也

溫會

登武擔寺西臺詩云桑臺煙樹中臺榭造室垂聃聽  
逢秋興篇辭變國風坐愁高鳥起笑指遠人同始媿  
才情薄躋攀繼韻窮

晚夏登張儀樓詩云危軒重疊開訪古上徘徊有舌  
嗟秦策飛檠駕楚材雲霄隨鳳到物象爲詩來欲和  
關山意巴歌調更哀

會以殿中侍御史爲安撫判官

楊汝士時掌管記和西臺詩云清淨此道宮層臺覆  
倚空偶時三伏外列席九霄中平視雲端路高臨樹  
杪風自憐榮末座前日別池籠

又和張儀樓詩云從公城上來秋近絕纖埃樓古秦  
規在江分蜀望開遠山標宿雪末席本寒灰陪賞今  
爲忝臨歡敢訴杯

李敬伯

登武檐寺西臺詩云臺上起涼風乘開覽歲功自隨  
台席貴盡許羽觴同樓殿斜暉照江山極望通賦詩  
思共樂俱得詠時豐

晚夏登張儀樓詩云層屋架城隈賓筵此日開文鋒  
摧八陣星分應三台望雲煩襟釋當歡遠思來披雲  
霄漢近暫覺出塵埃

敬伯試大理評事爲觀察巡官

姚康

晚夏登張儀樓詩云登覽值晴開詩從野思來蜀川

唐詩卷五十一  
新草木秦日舊樓臺池景搖中座山光接上台近秋  
宜晚景極目斷浮埃

登武擔寺西臺詩云松逕引清風登臺古寺中江平  
沙岸白日下錦川紅踈樹山根淨深雲鳥跡窮自慚  
陪末席便與九霄通

康試尤武衛倉曹參軍爲觀察推官

康禮部試早春殘雪云微暖春潛至輕明雪尚殘銀  
鋪光漸濕珪破色仍寒無柳花常在非秋露正團素  
光浮轉薄皓質駐應難幸得依陰處偏宜帶月看玉  
塵銷欲盡窮巷起袁安

魚縱云水府乘閑望圓波息躍魚從來暴泥久今日  
脫泉初得志寧相忌無心任宛如龍門應可度鮫室  
豈常居掉尾方窮樂遊鱗每自舒乘流千里去風力  
藉吹噓

康字汝諧南仲孫也登元和十五年進士第大中時  
爲太子詹事開成時曾以賦敗

張正元

冬日可愛詩云寒日臨清晝遼天一望時未消埋徑  
雪先暖讀書帷屬思光難駐舒情影若遺晉臣曾比  
德謝客昔言詩散彩寧偏照流陰信不追餘輝如可

就迴燭幸無私

東野聞夜啼贈張正元云寄泣須寄黃河泉此中怨  
聲流徹天愁人獨有夜燈見一紙鄉書淚滴穿

正元登正元五年進士第

楊嗣復

丁巳歲八月祠祭畢因題臨淮公舊碑詩云齊莊修  
祀事旌旆出郊闡雉草軒墀狹塗墻楮聖新謀猷期  
作聖風俗奉為神酌酒成坳澤持兵列偶人非才膺  
寵任異代揖芳塵况是平津客碑前淚滿巾

楊汝士和云古栢森然地修巖蜀相祠一過榮異代

三顧盛當時功德流何遠馨香薦未羗敬名採國志  
飾像慰眊思昔謁從征蓋今聞擁信旗固宜光寵下  
有淚刻前碑

臨淮公武元衡也元和初元衡鎮蜀嗣復為節度推  
官後二十七年嗣復鎮蜀時大和九年也汝士為東  
川節度使故相唱和汝士曾為蜀帥段文昌掌管也

炙轂子

牡丹詩云牡丹妖艷亂人心一國如狂不惜金肩若  
東園桃與李果成無語自成陰

松詩云寒松聳拔倚蒼岑綠葉扶疎自結陰丁固夢

時還有意秦皇封日豈無心常將正節栖孤鶴不遣  
高枝宿衆禽好是特凋群木後護霜凌雪翠踰深  
竹詩云庭竹森踈玉質寒色包葱碧盡琅玕翠筠不  
染湘娥淚班籜堪裁漢主冠成韻含風已蕭瑟媚連  
凝淥更檀栾此君引鳳爲龍日聳節稍雲直上看  
炙轂子王歡也元和後詩人

楊厚

早起云星漢轉寒更伊余索寞情鍾催歸夢斷鴈引  
遠愁生危壁蘭光暗踈簾露氣清閑庭聊一望海日  
未分明

厚正元間詩人

劉郇伯

早行云鎮靜人猶寢天高月自涼一星深戍火殘月  
半橋霜客老愁塵下蟬寒怨路傍青山依舊色宛是  
馬卿鄉

郇伯與范鄴郎中爲詩友范曾得一句云歲盡天涯  
雨久而莫屬郇伯曰何不曰人生分外愁范甚賞之  
出北夢瑣言

王觀

早行云鷄唱催人起又生前去愁路明殘月在山露

宿雲收村店煙火動漁家燈燭幽趨名與趨利行復  
幾時休

觀大曆正元間人

陳上美

咸陽懷古云山連河水碧氛氳瑞氣東移擁聖君秦  
苑有花空笑日漢陵無主自侵雲古槐堤上鶯千轉  
遠渚沙中鷺一群賴與淵明同把菊煙郊四望夕陽  
曛

上美登開成進士第

侯冽

冽金谷園懷古云金谷千年後春花發滿園紅芳徒  
笑日穠艷尚迎軒雨濕輕光軟風搖碎影翻猶疑施  
錦帳堪歎罷朱紉愁罷鶯吟泣啼容露綴繁慙慙問  
前事桃李竟無言

冽登元和六年進士第

崔樞

賜耆老布帛云殊私及耆老聖德賑黎元布帛忻天  
賜生涯作主恩情均皆挾纊禮異賁丘園慶洽時方  
泰仁沾月告存寧知酬雨露空識荷乾坤擊壤將何  
幸徘徊望九門

裴垪舉宏詞崔樞考之落第及垪爲宰相擢樞爲禮部笑謂樞曰聊以報德也終於秘書監

順宗時有詔曰古之所以教太子必茂選師傅以輔翼之法於訓詞而行其典禮左右前後罔非正人是以教諭而德成也給事中陸質中書舍人崔樞積學懿文守經據古夙夜講習庶協于中並充皇太子侍讀

### 陳彥博

恩賜魏文正公諸孫舊第以導直臣云阿衡隨逝水池館主他人天意能疇德雲孫喜庇身生前由直道

歿後振芳塵雨露新恩日芝蘭故里春勲庸流十代光彩映諸鄰共喜升平代從茲得諫臣

前定錄云彥博元和中興謝楚同爲廣文生夢一官司列几案上有尺牘如金字者問之曰明年進士之名見其名在三十二從上二人皆李姓而無楚名明年果如夢二李即李願行李仍叔也時元和五年明年楚於于尹躬下擢第

白居易爲翰林學士奏云今日奉宣令撰李師道請收贖魏證宅還其子孫甚合朕心允依來奏者臣伏以魏證太宗宰相盡忠輔佐以致太平在其子孫合

加優卹事關激勸合出朝廷師道何人輒掠此美伏  
願明勅有司特以官錢收贖使還後嗣以勸忠臣則  
事出皇恩美歸聖德憲宗深然之其後有司以爲詩  
題試進士

郭良驥

自蘇州至望亭驛有作云南浦蕭遙白蘋東吳黎庶  
逐黃巾野棠自發空流水江燕初歸不見人遠岫依  
依如送客平田渺渺獨傷春淮中迴首長洲苑烽火  
年年報虜塵

觀詩所載疑李錡叛時事也

崔嘏

嘏字乾錫邢州刺史會劉稹反歸朝授考功郎中中  
書舍人李德裕之謫嘏草制不盡書其過貶端州刺  
史

施肩吾與之同年不睦嘏舊失一日以珠代之施嘲  
之曰二十九人及第五十七眼看花元和十五年也

李景遜

景遜字後已贈太尉愷孫也大中中進御史大夫威  
肅當朝爲大夫三月蔣伸輔政宣宗盡書群臣名內  
器中禱憲宗神前射取之而景遜名不得乃見宰相

自陳考深當代即拜西川節度使景遜好獎寒士如  
李蔚楊知退所善蘇絳裴夷直

寄華州周侍郎立秋日奉詔祭嶽詩云關河豁靜曉  
雲開承詔秋祠太守來山霽蓮花添翠黛路陰桐葉  
少塵埃朱轡入廟威儀肅玉佩昇壇步武回往歲今  
朝幾時事謝君非重我非才

自大中至咸通相白敏中次畢誠曹確使相羅劭權  
崔相愐由戲曰可以歸矣近日中書皆藩臣謂畢白  
曹羅皆藩姓也始自蔣伸景遜在蜀聞報曰不能伏  
事斯人也遽託疾離鎮有詩曰成都十萬戶拋若一

鴻毛

出北夢  
瑣言

唐球

球有詩名如臨池洗硯云恰似有龍深處卧被人驚  
起黑雲生又有漸寒沙上鷺欲暖水邊村亦佳句也  
球居蜀之味江山方外之士也為詩撚藁為圓納之  
大瓢中後臨病投瓢於江曰斯文苟不沉沒得者方  
知吾苦心爾至新渠有識者曰唐山人瓢也接得之  
十纔二三其題有處士隱居云不信最清曠及來愁  
已空數點水泉雨一溪霜葉風業在有山處道成無  
事中酌盡一樽酒老夫顏亦紅贈行如上人云不知

名利苦念佛老岷峨  
衲捕雲千片香焚篆  
一窠戀山人事少  
憐客道心多日日齋  
鍾罷高懸瀘水羅  
題青城范賢觀云  
數里綠山不厭難  
爲尋真訣問黃冠  
苔鋪翠點山橋滑  
松織香稍古道寒  
晝傍綠畦薺嫩玉  
夜開紅竈樾新丹  
孤鍾已斷泉聲在  
風動瑤花月滿壇

贈僧云曾聞半偈  
雪山中貝葉翻時  
理盡通般若當添  
持戒力落義誰算  
念經功雲間曉月  
應難染海上虛舟  
自信風長說蒲庭  
花色好一枝紅是  
一枝空

詩見芳亭客話

球生於唐末至性純  
慤篤好雅道放曠  
踈遠邦人謂之唐  
隱居或云王建帥  
蜀召爲參謀不就  
今以其故居爲隱居寺

北夢瑣言曰球詩思  
遊歷不出二百里

李洞贈唐山人云長  
鬚長我髮七十色  
如鰲醉眼青天小  
吟情太華低千年  
松遶屋半夜雨連  
溪印蜀路無限往  
來琴自携

不知是球否也

唐詩紀事卷第五十一

白敏中

魏扶

馬植

崔鉉

殷堯藩

沈亞之

裴夷直

楊敬之

房千里

厲元

喻亮

楊衡

符載

王彥威

繁知一

楊洵美

白敏中

敏中字用晦武宗欲召用居易德裕即薦敏中文類其兄而有器識即日知制誥宣宗立德裕貶乃力詆

之五年十三遷至門下侍郎咸通二年以太傅致仕  
卒

至日上公獻壽酒云候曉天門闢朝天萬國同瑞雲  
昇觀闕香氣映華宮日色臨仙籙龍顏對昊官羽儀  
瞻百姓獻壽侍三公化被君王洽恩沾草木豐自欣  
朝玉座宴此詠皇風

敏中方爲郎唯李德裕時以國器重之大中初邊鄙  
不寧吐蕃屈強宣宗決於致討延英先問宰臣敏中  
首奏興師遂爲統帥宣宗初覽捷書云我知敏中必  
殄兇醜敏中凱旋與同列宰輔進詩

敏中詩云一詔皇城四海頒醜戎無數東身還戍樓  
吹笛人休戰牧野嘶風馬自閑河水九盤收數曲天  
山千里鎖諸關西邊北塞今無事爲報東南夷與蠻  
魏扶詩云蕭關新復舊山川古戍秦原景象鮮戎虜  
乞降歸惠化皇威漸被懾腥膻穹廬遠戍煙塵滅神  
武光揚竹帛傳左衽盡知謠帝澤從茲不更備三邊  
崔鉉詩云邊隅萬里江恩波宇宙群方洽凱歌右地  
名王爭解辮遠方戎壘盡投戈煙塵永息三秋戍瑞  
歲遙清九折河共偶聖明千載運更觀俗阜與時和  
王起長慶中再主文柄意欲以第一人處敏中恨其

與賈拔甚為友甚有文而落魄因密令親知述意俾  
與甚絕敏中欣然曰如所教既而甚造門左右給以  
敏中他適甚遲留不言而去俄頃敏中躍出見甚於  
是悉以實告乃曰一第何門不致奈輕負至交相與  
歡醉或語於起起曰我此只得敏中今當更取甚矣  
遂以第一人處甚而敏中居三焉

杜牧云今皇帝一詔會兵不日功集河湟關郡次第  
歸降因獻詩云捷書皆應運謀期十萬曾無一鏃遺  
漢武慙誇胡方地宣王休道太原師威加塞外寒來早  
恩入河源凍合遲聽取滿城歌舞曲涼州聲韻喜參

差牧又和敏中詩呈上三相云行看臘破好年光萬  
壽南山對未央黠憂可汗修職貢文思天子復河湟  
應須日御西巡狩不假星弧北射狼吉甫裁詩歌盛  
業一篇江漢美宣王牧又作河湟詩云元載相公曾  
借筋憲宗皇帝亦留神旋見衣冠就東市忽遺弓劍  
不西巡牧羊驅馬雖戎服白髮丹心盡漢臣唯有涼  
州歌舞曲流傳天下樂閑人

魏扶

扶登大和四年進士第大中初知禮闈入貢院題詩  
云梧桐葉落滿庭陰鎖閉朱門試院深曾是當年辛

苦地不將今日負前心  
勝出無名子削為五言詩以譏之

李義叟義山第也是歲登第義山因上魏公詩曰國以斯文重公仍內署才風標森太華星象逼中台朝滿遷鷺侶門多吐鳳來寧同魯司寇只鑄一顏回

馬植

敏中之捷植時為相和敏中詩云舜德堯仁化犬戎許提河隴欵皇風指揮貔武皆神算恢拓乾坤是聖功四帥有征無汗馬七關垂戍已弋弓天留此事還英主不在他年在大中

同華解最利元和中令孤楚鎮三峯時及秋賦勝云特加試五場莫有至者唯廬洪正請試已試兩場而植不解植將家子從事竊笑曰此未可知已而試登山採玉賦略曰文豹且異於驪龍採斯踈矣白石又殊於武蚌剖莫得之公大伏其精遂奪解元後洪正自丞郎將判離俄為植所據復以手札戲植曰昔日華元已遭毒手今來離務又中老拳植罷安南都護又除黔南殊不得意維舟峽中古寺寺前有長堤夜月明甚見白衣緩步堤上吟曰截竹為筒作笛吹鳳凰池上鳳凰飛勞君更向黔南去即是陶鑄萬類時

邀問則失之矣後自黔南召入爲大理遷刑判鹽鐵  
拜相

植字存之爲李德裕所抑頗怨望宣宗立白敏中當  
國凡德裕所不善悉不次用之故植遂相

崔鉉

魏公鉉元略之子也爲見詩隨父訪韓晉公滉滉指  
架上鷹令詠焉吟曰天邊心膽架頭身欲擬飛騰未  
有因萬里碧霄終一去不知誰是解條人滉曰此兒  
可謂前程萬里也寶曆三年登第久居廊廟三擁節  
旄宣宗嘗謂侍臣曰崔鉉真貴也裴休真措大初李

石鎮江陵辟爲戎倅一旦告去既入京華俄昇翰苑  
造朝凡三歲石未離荆渚崔旣秉鈞衡石馳牋賀之  
曰某早拜光塵叨承眷與深蒙異分屢接清言幸曾  
顧於厚恩俯見循於末契去載分麾南楚拜節西秦  
思賢方詠於嘉魚棲止實慙於威鳳宿筵初啓曾陪  
罇俎之歡將幕未移已在陶鎔之下光生隣蔀喜溢  
轅門豈唯九土獲安斯亦一方多幸乃掌記李隲之

詞也

鉉字台碩相武宗與李德裕不叶罷復相宣宗除楊  
州大都督府長史封魏國公宣宗於太液亭賦詩宴

餞有七載秉鈞調四序之句識者榮之

殷堯藩

元和九年韋貫之掌文衡堯藩雜文黜矣尚書楊漢公乃貫之前榜門生感言堯藩屈貫之爲之重收是

年登第

據言謂之既落復收

三月初三日千家與萬家蝶飛秦地草鶯入漢宮花  
鞍馬皆爭麗笙歌盡闐奢吾師無所願唯願老煙霞  
曲水公卿宴香塵盡滿街無心修楔事獨步到禪齋  
細草索愁目繁花逆旅懷綺羅人走馬遺落鳳凰釵

二章已上贈都上人

堯藩登第許渾贈詩云幾載聞名翰墨林爲從知己  
信浮沉青山有雪請松性碧落無雲稱鶴心帶月獨  
歸蕭寺遠翫花頻醉庾樓深尋思一見如瓊樹空把  
新詩舊日吟

堯藩從李翱長沙莫府後以侍御官江南姚合有送  
堯藩歸同州詩

堯藩爲永樂令雍陶寄詩云古縣蕭條秋景晚昔時  
陶令亦如君

堯藩有憶江南詩三十章皆蘇杭事樂天詩曰江南  
名郡數蘇杭寫在殷家三十章君是旅人猶苦憶我

爲刺史更難忘

堯藩有宮詞云吳宮愛歌舞夜夜醉嬋娟見日吹紅  
燭和塵掃翠鈿徒令句踐霸不信子胥賢若問長洲  
草荒涼無限年又有館娃宮詩云宮女三千去不回  
眞珠翠羽是塵埃夫差舊國久破碎紅鸞自歸花自  
開又有暮烟葵葉屋秋月竹枝歌句欲射狼星把弓  
箭休將焚火讀詩書句右張爲取作主客圖

嘉潘未第時許渾寄詩云直道知誰用經年向水濱  
宅從栽竹貴家爲買書貧就學多新客登朝盡故人  
蓬萊自有路莫羨武陵春又謝堯藩云相知愧許詢

寥落向溪濱竹馬兒猶小荆釵婦慣貧獨愁憂過日  
多病不如人莫恠青袍選長安隱舊春

沈亞之

字下賢登進士第大和初李同捷反詔兩河諸鎮出  
兵反無功乃授柏耆德利行營諸軍計會使亞之以  
殿中侍御史爲判官諭旨會李祐平德州同捷窮請  
降耆乃馳入滄誅同捷諸將嫉其功比奏攢詆文宗  
不獲已貶耆循州司戶參軍亞之南康尉張祐以詩  
送云秋風江上草先是客心摧萬里故人去一行新  
鴈來山高雲緒斷浦迴日波頽莫恠南康遠相思不

可栽亞之吳人元和七年不第李賀以詩送云吳興  
才人怨春風桃花滿陌千里紅紫絲竹斷駿馬小家  
住錢塘東復東是也

杜牧之贈詩云斯人清唱何人和草徑苔荒不可尋  
一夕小敷山下夢水如環珮月如襟

亞之村居詩云無樹巢宿鳥無酒共客醉月上蟬韻  
殘梧桐陰繞地獨出村舍門吟劇微風起蕭蕭蘆荻  
叢叫嘯如山鬼應緣我憔悴爲我發愁思

五月發石頭城步望前船示弟詩云客子去淮陽蹉  
跎客夢長水關開夜鏤霧棹起晨涼烟月期同賞風

波忽異行隱帆 撼憎轉瀨指遙墻蒲葉錢刀綠筠  
筒楚粽香因書報惠遠爲我憶檀郎

李商隱擬沈下賢詩云千二百輕鸞春衫瘦着寬荷  
風行稍急含雪語應寒帶火遺金斗兼珠碎玉盤河  
陽看花過曾不問潘安

裴夷直

王質傳云李德裕擢爲河南尹宣歙觀察使幕府若河  
東裴夷直天水趙哲隴西李行方梁國劉蕢皆一時選云  
獻書書情云白髮添雙鬢空宮又一年音書鴻不到夢寐免空  
懸地遠星辰側天高雨露偏聖期知有感雲海慢相連

同樂天中秋夜洛河翫月二首詩云清洛半秋懸壁  
月練船當夕泛銀河蒼龍領底珠皆沒白帝心邊鏡  
乍磨海上幾時霜雪積人間此夜管絃多須知天地  
爲鑪意盡取黃金鑄作波

又云不熱不寒三五夕晴川朗月正相臨千珠競沒  
蒼龍領一鏡高懸白帝心幾處淒涼綠地遠有時惆  
悵值雲陰如何清洛如清晝共見初升又見沉

李景遜傳云所善蘇滌裴夷直皆爲宗閔嗣復所擢  
故景遜在會昌時抑厭不遷

夷直字禮卿文宗時爲右拾遺張克勤以五品官推  
與其甥夷直時爲禮部外郎劾曰是開後日賣爵之  
端詔聽遂著于令爲中書舍人武宗立視冊牒不肯  
書出刺杭州斥驩州司戶參軍宣宗初復拜江華等  
州刺史終散騎常侍夷直感唐仁烈詩云自知年幾  
偏應少先把屠蘇不讓春儻更數年逢此日遂應惆  
悵羨他人

楊敬之

木忝正離離南園翳白芝細腰沉趙女高髻唱蠻姬  
路醜前峒月梳慚一領絲鄉人不可語獨念畏人知  
敬之客思

唐紀卷五十一  
姚合寄楊祭酒云日日新詩出城中寫不禁清光且  
對竹閑雅勝聞琴門戶饒秋景兒童解吟雲山持  
管盡莫惜別人壽

敬之字茂孝太宗命爲祭酒兼太常少卿是日二子  
戎載登科時號楊家三喜敬之華山賦最爲韓愈李  
德裕所稱士林一時傳布霜樹烏樓夜空街雀報明  
碧山相倚暮歸鴈一行斜右張爲取作主客國

### 房千里

房千里博士初上第遊嶺微詩序云有進士韋滂者  
自南海邀趙氏而來爲余妾西上京都調于天官乃

乃與趙別約中秋爲會期趙極悵戀余乃杼詩寄情  
月鸞鳳分飛海樹秋忍聽鐘鼓越王樓只應霜月明  
君意緩撫瑤琴送秋愁山遠莫教雙淚盡鴈來空寄  
八行幽相如若返臨叩市盡舸朱軒萬里遊萬里橋在蜀州  
房至襄州逢渾侍御赴引農蕃揚之命乃以情意相  
託許到府邸遣人訪之則趙氏却從韋矣渾寄房詩  
曰春風白馬紫絲韁正值春眠未採桑五夜有心隨  
暮雨百年無節待秋霜重尋綉帶未勝合却認羅裙  
碧草長爲報西遊減離恨阮郎纔去嫁劉郎  
千里以罪居廬陵作所居竹室記云子方窮不能奮

其處于是亦宜矣

千里字鵠舉大和進士也終於高州刺史

馬使君與千里俱貶端州李群玉留別詩云俱來海上嘆煙波君佩銀魚我觸羅經國才微甘放蕩專城年少豈蹉跎應憐旅夢千重思共愴離心一曲歌唯有管絃知客意分明吹出感恩多

厲元

元日觀朝云玉座臨新歲朝盈萬國火連雙闕曉伏列五門春瑞雪銷鴛瓦祥光在日輪天顏不敢視稱慶拜空頻

元大和二年進士終於侍御史有子自南登中和進士第

元有從軍行云邊草旱不春翎花增野塵戰場收驥尾清澣怯龍鱗帆色起歸越松聲厭避秦幾時逢范蠡處處是通津右張爲取作主客圖

姚合題厲侍御所居云幽樓一畝宮清峭似山峰隣里不通徑俸錢惟買松野人時寄宿谷鳥自相逢朝路宋前是誰知曉起慵

喻鳧

元日即事云欽板賀交親稱觴詎有巡年光悲擲舊

景色喜呈新水柳煙中重山梅雪後具不知將白髮  
何以度青春

贈李商隱云羽翼忽搏扶山河使筆驅月踈吟夜桂  
龍失詠春珠草細盤金勒花繁倒玉壺徒嗟好章句  
無力致前途

浴馬云解控復收鞍長津動細漣空蹄沉綠玉闌臆  
沒連錢沫漩橋聲下嘶盤柳影邊常聞真龍性固與

白波便

姚合有送喻鳧歸毗陵詩云闕下詩名出鄉中賦籍  
除又曰吾亦家吳者無因見弊廬杜荀鶴叙雪寄鳧

詩曰比時行逕無人迹唯望立曷微問寂寥

鳧毗陵人開成進士也卒於烏程令

顏周明鏡覺思苦白雲知句滄洲迷釣隱紫閣負僧

期句酬難塵鬢皓坐文壁燈青句滄洲未歸迹華髮

受恩心句右張為取作主客圖

北夢瑣言云鳧體閬仙為詩嘗謂杜紫微不遇乃曰

我詩無羅綺鈿粉耳其不售也

鳧與方干友善干嘗贈詩云知心似古人歲久分弥

親離別波濤闊留連槐柳新臺陵寒貫酒漁浦夜垂

綸自此星居後音書豈厭頻

唐紀卷五十一  
又哭鳧詩云日夜役神多損壽先生下世未終年撰  
碑縱託登龍伴誓莫應支賣馬錢孤壟陰風吹細草  
空牕濕氣漬殘篇人間別更無冤事到此誰能與問  
天

楊衡

初隱廬山有盜其文登第者衡因語闕亦登第見其  
人盛怒曰一一鶴聲飛上天在否答曰此句知兄取  
惜不敢偷衡笑曰猶可恕也

隨雲步入青牛谷青牛道士留我宿可憐夜久月明  
中唯有壇邊一枝竹宿青牛

都無着花意偶到樹邊來可憐枝上色一一為愁開

題花樹

竹亭送姪偁云落葉寒擁壁清霜夜露石正是憶山  
時復送歸山客殷勤一樽酒曉月當窓白

寄廬山隱者云風鳴雲外鐘鶴宿千年松相思杳不  
見月出山重重

哭李象云白鷄黃犬不將去寂寞空余葬時路草死  
花開更幾年後人知是何人墓憶君思君獨不眠夜  
寒月照青楓樹

邊思云蘇武節旄盡李陵音信稀花當隴上發人向

壠頭歸

仙女辭云玉笄初侍紫皇君金縷鴛鴦滿絳裙仙宮  
一閉無消息遙結芳心向碧雲

孟東野有悼吳興楊衡詩云君生雪水清君死雪水  
渾空有骨肉親哭得日月昏大夜不復曉古松長閉  
門琴絃綠水絕詩句青山存昔爲芳春頽今爲芳草  
根獨恨冥冥理先儒未嘗言衡與符載者群隱廬山  
號山中四友

衡寄徹公云北風吹霜霜月明荷葉枯盡越水清別  
來幾度龍宮宿雪山童子應相逐

題山寺云千峰白路後雪壁掛殘燈曙色海邊月經  
聲松下僧意閑門不閉年去水空澄稽首如何問森  
羅盡一乘

送孔周之南海謁王尚書云泛棹送流萍桂寒山更  
青望雲生碧落看日下滄溟潮盡收珠母沙閑拾翠  
翎自趨龍戟下再爲頌芳馨

符載

載字厚之蜀人有奇才始與楊衡宋濟習業青城山  
衡擢第濟老死無成唯載以王霸自許耻於常調韋  
臯鎮蜀辟爲文使雖日受知尚多偃蹇臯嘗於二十

四化設醮請撰齋詞于時陪飲於摩訶池載離席盥  
救命小吏十二人捧硯人分兩題緩步池間各授口  
占其敏速如此劉闢時為金吾倉曹參軍始依臯焉  
載與撰真贊云矯矯化初氣傑文雄靈螭出水秋鶻  
乘風行義則固輔仁乃通他年良覲麟閣之中及臯  
卒闢摠留務載亦在幕中及闢敗載遂免禍載居廬  
山遣三尺童子持數幅書乞買山錢百萬於于頔于  
即與之

柳子厚賀趙江陵宗儒啓云伏聞以武都符載為記  
室天下立志之士雜然相顧繼以歎息知為金吾者得  
其歸嚮流言者有所聞執直道之所行義風之所物  
堂堂焉實在荆山之南矣夫以符君之藝術志氣為  
時聞才位未會般旋固又中間因緣陷在危邦與時  
偃仰不廢其道而為見忌嫉者橫致唇吻房給事以  
高節特立明之於朝王吏部以清議自任辨之於外  
然猶小人浮議困在交戟凡諸侯之欲得符君者城  
隍壤接而惑於騰沸環視相讓莫敢先舉及受署之  
日則皆開口垂臂悵望悼悔譬之採珠於海而徑寸  
先得則眾皆快然罷去知奇寶之有所歸也嗚呼巧  
言難明下流多謗自非大君子出世之氣則何望焉

瞻望清風若不在天外無任感激欣躍之至

房武傳

發兵書牒首曰關副曰式參謀曰符載以誇也

崔群送載歸蜀觀省序云旄頭光明垂三十載不習  
俎豆化爲侯王者十有八九焉由是隱逸憔悴余薦  
不行蒼山沈沈側陋不顯建中初有峨嵋客符君發  
六籍掉三湘深入匡廬絕跡半紀學窺顏子之門闕  
文紹陳君之骨鯁逸慕嚴光之垂釣志敦管寧之不  
欺結廬熙熙人不知其然也頃予奉命江西三年往  
復彭蠡未嘗不詠湖月漱天倪造符君雲扃宿五老  
峰下動更晦朔不理還權偶丹青至人白鶴羽客奉

靈芝跪天壇相顧永息乎蓬瀛豈復又縈於塵網賴  
君超滄愴興舊遊雖笑語飲食如常終忽忽若居大  
夢君家在岷蜀展愛高堂將聖賢典籍充人子幣帛  
期所以激衰俗扇清風方伯地君不以厚禮遲吾子  
予未之信秋九月楚人歌採蘭以送之

或云載始隱廬山不爲章句學正元中李巽爲江西  
觀察薦其材授奉禮部郎爲南昌軍副使繼辟西華  
臯掌記澤潞鄒士美參謀歷協律郎監察御史卒嘗  
以牋叩襄陽樊澤曰故處士孟浩然丘壠頽沒公欲  
更築大墓久之未遑誠令好事者乘而有人負公夙

志矣澤乃更爲刻碑鳳林山南村龍其墓

王彥威

長安舊俗以不歷臺省出領康軍節鎮者率呼爲鹿  
官大衆重內而輕外今東京皇城乾元門舊章武軍  
鼓角樓也節度使王彥威有詩刻石在其上曰天兵  
十萬勇如貔正是酬恩報國時汴水波瀾喧鼓角隋  
堤楊柳拂旌旗前驅紅旆關西將坐間青蛾趙國姬  
寄語長安舊冠蓋鹿官到底是男兒彥威自太常博  
士出辟使府至茲鎮故有是句後梁氏建國其石不  
知所在薛能亦有謝寄茶詩云鹿官寄與直却賴

有詩情合得嘗洪文館舊不置學士文宗特置一員  
以待彥威爲戶部侍郎邊兵訴所賜不時縑皆敝惡  
貶衛尉卿俄爲忠武節度徙宣武卒

繁知一

樂天除蘇州刺史自峽泐源赴郡時秭歸縣繁知一  
聞居易將過巫山先於神女祠粉壁大書之曰忠州  
刺史今才子行到巫山必有詩爲報高唐神女道速  
排雲雨候清詞居易覩處暢然數知一至曰歷陽劉  
郎中禹錫三年理白帝欲作一詩而不能罷郡經過  
悉去千餘詩但留四章而已

沈佺期詩曰巫山高不極合沓奇狀新閨谷疑風雨  
幽岷若鬼神月明三峽曙潮滿九江春爲問陽臺客  
應如入夢人

王無競詩曰神女向高唐巫山下夕陽徘徊作行雨  
婉孌逐荆王電影江前路雷聲峽外長朝雲無處所  
臺館曉蒼蒼

皇甫冉詩曰巫峽見巴東迢迢出半空雲藏神女館  
雨到楚王宮朝暮泉聲落寒暄樹色同清猿不可聽  
偏在九秋中

李端詩曰巫山十二重皆在碧空中迴合雲藏日霏


微雨帶風猿聲寒度水樹色暮連空悲向高唐去千  
秋見楚宮居易吟四篇與繁生同濟卒不賦詩

楊洵美

荅李昌期詩云三山載群仙峨峨賊浪中雲衣翦不  
得此路安可從我生亦何事出門如飛蓬白日又黃  
昏所悲遙草空蟲聲故鄉夢枕上禾黍風吾道如未  
夜天運何時通

洵美登寶曆元年進士第終監察御史

洵美有暮鷗不噪禁城樹衙鼓未殘兵衛秋之句洵  
荅昌期詩張爲取作主客圖



唐詩紀事卷第五十一

唐詩紀事

卷五十一

